

Reis Cerić u Banjoj Luci: Priznati grešku i poštovati pravdu

02/11/2012 23:13 by Administrator

Reisu-l-ulema Islamske zajednice (IZ) u Bosni i Hercegovini dr. Mustafa ef. Cerić danas je imamo džuma-namaz i održao hutbu u Ferhat-pašinoj džamiji u Banjoj Luci, javlja dopisnik agencije Anadoluja (AA). Danas je, naime, postavljen alem na munaru Ferhat-pašine džamije, jednog od simbola Banje Luke. Na taj način se ušlo u završnicu njene obnove. Navedena džamija je 7. maja 1993. godine porušena, a njeni ostatci odvezeni na smetlišta. Tim povodom u BiH i bosnijaškoj dijaspori svake godine se obilježava Dan džamija.

Postavljen alem na munaru Ferhat-pašine džamije: [FOTO](#)

Pored reisa Cerića, svečanosti su prisustvovali novoizabrani reisu-l-ulema IZBiH Husein ef. Kavazović i banjalučki muftija Edhem ef. Hamdović.

Â

Reis Cerić je kazao kako "nije lahko držati hutbu u Ferhat-pašinoj džamiji u Banjoj Luci i nije da nije lahko naći riječi utjehe za vas koji ste ostali, ali i za one koji nisu ostali u Banjoj Luci".

Â

"Â ta god da vam kažem, nećete biti pravi izraz našega stanja. Ako vam kažem da nam je stanje loše, rekao sam istinu, ali ne cijelu istinu, jer ima i gorih stanja od našega. Ako vam kažem da nam je stanje dobro, rekao sam istinu, ali opet ne cijelu istinu, jer ima boljih stanja od našega. Zato mi se čini da je najispravnije reći da je naše stanje između lošeg stanja, s kojim se ne smijemo miriti, i dobrog stanja, kojem trebamo težiti. Na ono što je bilo, ne možemo utjecati, niti možemo to mijenjati, ali na ono što može biti, možemo utjecati i možemo to mijenjati u našu korist pod uvjetom da se sami mijenjamo, jer: "Allah nećete promijeniti stanje jednog naroda sve dok taj narod ne promijeni svoj odnos prema Bogu, sebi i drugim ljudima", rekao je reis Cerić.

Â

Naravno, dodao je, naš odnos prema Bogu određuje i naš odnos prema nama samima.

Â

"Svakako, najviše dobro ovoga svijeta je dobri odnosi među ljudima, kao najbolja potvrda dobrog odnosa prema samome sebi. Zato su život nije naš izbor, već zahtjev vjere i morala, kulture i civilizacije. Suživot je osnovno pravo i obaveza svakog čovjeka. To ne važi samo u našoj zemlji, već svugdje u svijetu. To nije samo stvar našeg vremena i naše generacije. Suživot je Božanska i kosmička norma otkad postoji svijet. Vi naprosto ne možete nigdje pobjeći od drugog i drugačijeg. Jer, gdje god pođete naći ćete drugog i drugačijeg. Naći ćete na džamiju i na crkvu. Čujete ezan i crkvena zvona. Dakle, vi ne možete pobjeći od džamije i crkve, od muslimana i Jevreja, od katolika i pravoslavnog, od agnostika i ateiste", naglasio je Cerić.

Â

Jer, gdje god pođete, Â istakao je poglavar IZ BiH, neizbježno ćete se susresti sa tim ljudima.

Â

"Stoga ne vidim da je naša zemlja u tom pogledu neki izuzetak. Naravno, ovdje se radi o suživotu vlasti, prava, moći, časti i ponosa. No, i to nisu apsolutne kategorije, jer samo Bog, džamija, ima apsolutnu vlast nad cijelim svijetom. Mi ljudi to nemamo. Tačno je, svijet neće naslijediti onaj koji je slab, ali ga neće naslijediti ni onaj koji je ohol i nasilan. Svijet neće naslijediti onaj koji je kooperativan, koji je otvoren, koji je u suživotu sa drugima. Dakle, i vlast, i pravo, i moć, i čast, i ponos mjere se po tvojoj sposobnosti da to podijeliš sa drugima, posebno sa onima koji su drugačiji od tebe", naglasio je on.

Â

Bez slobode, napomenu je Cerić, ljudski život nema smisla.

Â

"Na žalost, sa slobodom ide i laž, koja ne može preživjeti, ali može nekim ljudima nanijeti bol i patnju. Banja Luka je pravo mjesto, a današnji dan je pravo vrijeme, da kažemo da je ljudski priznati grešku i nastojati je ispraviti na pravi način, a to je priznati istinu, koju prizna cijeli svijet i poštovati pravdu, koju poštuje cijeli svijet", dodao je.

Â

Nadalje, Cerić je poručio da je danas "veliki dan za sve ljude dobroga srca".

Â

"Posebno za Banjalučane koji su 7. maja, 1993. god. sa tugom i bolom u srcu i duži bespomoćno gledali rušenje Ferhat-pašine džamije. Kao što vidite, trebalo nam je gotovo dvadeset godina da, Allahovom milošću i uz pomoć dobrih ljudi, obnovimo Ferhat-pašinu džamiju i da danas postavimo alem na njenu munaru. Obnova Ferhat-pašine džamije u Banja Luci je višje od vraćanja i slaganja kamena na isti način kao što su to uradili prvi puta Ferhat-pašini majstori. Obnova Ferhadije džamije u Banja Luci je, uistinu, vraćanje autentičnog lica gradu Banja Luci i slaganje priče o Banjalučanima, onim koji su Ferhadiju rušili i onim koji su Ferhadiju gradili", rekao je Cerić.

Â

Nastavljajući Cerić je, također, vjernicima poručio:

Â

"I kao što nije niko mogao doći u Banju Luku da ne vidi Ferhadiju prije njenog rušenja, tako od danas niko neće moći doći u Banja Luku, a da ne vidi Ferhadiju nakon njene izgradnje. Od danas niko neće moći doći u Banju Luku, a da ne čuje priču o rušiteljima i graditeljima Ferhadije. Sramota njenih rušitelja je neizbrisiva. A ponos njenih graditelja zauvijek će ostati u našem pamćenju. Ako još uvijek ima neko ko misli da će rušenjem džamije, crkve, ili sinagoge ostvariti svoj cilj, danas bi trebalo da mu bude jasno da je u krivu, jer cijeli svijet danas vidi da je Ferhadija džamija oživjela iz pepela, ljepša i ponosnija nego ikada, svjetlija i svečanija nego ikada, punija i radosnija nego ikada. Tako će biti, ako Bog da, i sa Aladžom džamijom u Foči, i tako će biti sa svim porušenim džamijama u našoj zemlji", istakao je Cerić.

Â

Na kraju, odlazeći duhovni lider muslimana Bosne i Banje Luke je poručio:

Â

"Ne palite Knjigu, ne vrijeđajte Poslanika, ne rušite džamiju, jer to ne umanjuje već povećava našu vjeru, to ne smanjuje već povećava našu ljubav prema Kur'anu, prema Resulullahu i prema džamiji, koja je duša i srce našeg naroda! Umjesto toga mi vas pozivamo: "O sljedbenici Knjige, dođite da se okupimo oko zajedničke riječi između nas i vas, a to je da se nikom osim Jednom Bogu ne klanjamo, da nikoga Njemu ravnim ne smatramo i da jedni druge, pored Boga, bogovima ne držimo! Pa ako oni, odnosno vi, ne pristanete, onda budite nam svjedoci da smo mi muslimani", zaključio je Cerić, upućujući dovu Allahu dž.š. "da nam narod bude slobodan i da nam domovina bude ponosna".

Izvor vijesti: Anadolija